

# BaalPeor. Mose. C. XXV. LXXXIX.

Sittim



ND Israel wone in Sittim / Vnd das volck hub an zu huren mit der Moabiter töchter / welche luden das volck zum Opfer ihrer Götter / Vnd das volck aß vnd betet ire Götter an / vnd Israel henge sich an den BaalPeor. Da ergrimmet des HERRN zorn vber Israel / vnd sprach zu Mose / Nim alle Obersten des Volcks / vnd henge sie dem HERRN an die Sonne / auff das der grimmige zorn des HERRN von Israel gewand werde. Vnd Mose sprach zu den Richtern Israel / Erwürge ein iglicher seine Leute / die sich an den BaalPeor gehenget haben.

BAAL Peor.

ND sihe / ein Man aus den kindern Israel kam / vnd bracht vnter seine Brüder eine Midianitin / vnd lies Mose zusehen / vnd die ganze Gemeine der kinder Israel / die da weineten für der Thür der Hütten des Stiffts. Da das sahe Pinehas der son Eleasar des sons Aaron des Priesters stund er auff aus der Gemeine / vnd nam einen Spies in seine hand / vnd gieng dem Israelischen man nach hin ein in den Hurenwinckeln / vnd durch stach sie beide den Israelischen man / vnd das Weib durch iren bauch / Da höret die Plage auff von den kindern Israel. Vnd es wurden getödtet in der Plage vier vnd zwenzig tausent.

psal. 106. 1. Cor. 10.

VND der HERR redet mit Mose / vnd sprach / Pinehas der son Eleasar / des sons Aaron des Priesters hat meinen grim von den kindern Israel gewendet / durch seinen Euer umb mich / das nicht ich in meinem Euer die kinder Israel vertilgete. Darumb sage / Sihe / Ich gebe jm meinen Bund des friedes / vnd er sol haben vnd sein Same nach jm den Bund eins ewigen Priestertums / darumb / das er für seinen Gott geeuert / vnd die kinder Israel versünet hat.

SIMRI. CASBI. Num. 31.

DER Israelische man aber der erschlagen ward mit der Midianitin hies Simri / der son Salu / ein Fürst im hause des vaters der Simeoniter. Das Midianitisch weib / das auch erschlagen ward / hies Casbi / eine tochter zur / der ein Fürst war eines Geschlechts vnter den Midianitern.

ND der HERR redet mit Mose / vnd sprach / Thut den Midianitern schaden / vnd schlachtet sie / Denn sie haben euch schaden gethan mit irem List / den sie euch gestellet haben durch den Peor / vnd durch ire Schwester Casbi / die tochter des Fürsten der Midianiter / die erschlagen ist am tage der Plage vmb des Peors willen / vnd die plage darnach kam.

## XXVI.



ND der HERR sprach zu Mose vnd Eleasar dem son des Priesters Aaron. Nim die summa der gangen Gemeine der kinder Israel / von zwenzig jaren vnd drüber / nach irer Väter huser / alle die ins Heer zu ziehen tügen in Israel. Vnd Mose redet mit jnen sampt Eleasar dem Priester / in dem gefilde der Moabiter / an dem Jordan gegen Jericho / die zwenzig jar alt waren vnd drüber / wie der HERR Mose geboten hatte / vnd den kindern Israel / die aus Egypten gezogen waren.

Kinder Ruben. Gen. 46. Num. 1. 1. Par. 5.

Vben der Erstgeborner Israel. Die kinder aber Ruben waren / Hanoch von dem das geschlecht der Hanochiter kompt. Pallu / von dem das geschlecht der Palluiter kompt. Hezron / von dem das geschlecht der Hezroniter kompt. Charmi / von dem das geschlecht der Charmiter kompt. Das sind die geschlecht von Ruben / Vnd ire zal war / drey vnd vierzig tausent / sieben hundert vnd dreissig.

Dathan. Num. 16.

Wer der kinder Pallu / waren Eliab / vnd die kinder Eliab waren / Uemuel vnd Dathan vnd Abiram. Das ist der Dathan vnd Abiram die furnemlichen in der Gemeine / die sich wider Mosen vnd Aaron aufflehneten in der roten Korah / da sie sich wider den HERRN aufflehneten. Vnd die Erde iren mund auff

Pinehas

has.

Lebendiger

gottlicher